

Landesbibliothek Oldenburg

Digitalisierung von Drucken

Librorum De Re Diplomatica Supplementum

Mabillon, Johannes

Luteciæ-Parisiorum, 1704

Caput IV.

urn:nbn:de:gbv:45:1-3159

CAP. III. gantiæ, authenticis sane nostris haud politiores. At imperitus monachus erat Lucerius ille, inquies. An vero putas elegantiores fuisse illos notarios, qui publica tunc instrumenta scribebant? Immo contrarium mihi persuadent veteres formulæ, ut Marculfianæ, aliæque similes, quas notarii illi præ oculis habebant.

Neque vero forenses tantum formulæ hanc sermonis barbariem admittebant, sed etiam inscriptiones, quas viri principes suis sigillis apponebant. Ex his unicum affero inscriptionem Paldolfi & Johannis Capuanorum principum, quorum sigillis hæc inscriptio apposita cernitur, **PALDOLEI ET JOHANNI PRINCIPIBUS**, ut in eorum sigillorum ecclipsi inferius videbimus. quæ vitia non indiligentia notarii cuiuspiam imputanda sunt, sed ipsorum principum ingenio, qui tamen in orbe Latino florebant saeculo undecimo, quo tempore hæc loquendi barbaries in Latinis auctoribus non observatur. Non itaque mirum, si sexto, septimo & octavo saeculis similes barbarismi occurruunt in publicis ac forensibus instrumentis, in quibus hodie quoque obsoleta non pauca vocabula pro consecratis habentur.

C A P U T I V.

I. *Varia corruptorum instrumentorum genera.* II. *Interpolatio quot modis fiat.* III. *Tres falsorum species.* IV. *Hæc à peritis antiquariis discernenda.* V. *Ordo Benedictinus ab erudito Jesuita vindicatus.* VI. *Falsi criminatio quo pœna genere expianda.*

I. **E**t si in libro primo de re Diplomatica, capitibus sexto & septimo, de corruptione veterum instrumentorum data opera egerim; juvat tamen hoc loco paucis retractare idem argumentum. Duo universim corruptorum instrumentorum genera distingui possunt. Alia quippe falsa, alia interpolata. Rursum falsorum tres sunt species, nempe refectorum, adulterorum, & absolute falsorum. Interpolatio fit tantum in transsumtis. Si quod enim falsi vitium authenticis insertum sit, id vitiatorum loco habendum est.

II. Magnum discrimen inter falsa & interpolata. Falsa enim nullo pacto excusari possunt: sed interpolatio ut plurimum venialis est. Hæc adjectione, immutatione & errore fieri potest. Scilicet qui chartas authenticas ecclesiæ vel monasterii in unum corpus, quod chartularium vocant, redigebant; sicuti annos dumtaxat pontificum regum aut imperatorum antiquioribus instrumentis appositos deprehendebant, de suo annos incarnationis, vel etiam inductionem adjiciebant, ut tempus dati instrumenti accuratius distingueretur, qua in re non raro peccabant in chronologiæ regulas, sed non contra justitiae leges. Et hæc est interpolatio, quæ fit per adjectiōnem. Alia fit per immutationem, cum scilicet unum vocabulum alio redditum, vel temere emendatum est. quod accidit nonnumquam imperitis, qui se peritos putant, ut qui *ferum* in antiquis illis instrumentis legebant, forte substituebant *feodi* vocabulum, quod priscis illis temporibus necdum in usu erat. Denique ex scriptoris errore sæpe fit, ut vel in authenticæ difficultis lectione non satis exercitatus, vel fallente oculo, aut unum versum transfiliat, aut unum pro alio vocabulum, plurave describat. Atque inde oriuntur transsumtorum variae lectiones, quarum diversitas authenticorum auctoritati obesse non debet.

III. Falsorum, ut jam dixi, instrumentorum tres sunt species, quorum alia refecta, alia adulterata, alia absolute falsa dici possunt. Refecta voco, quæ amissorum authenticorum loco supposita sunt. Adulterata sunt ea authentica, quibus ab impostore aliquid insertum, vel additum est. Absolute falsa, quæ nullo veri authenticæ fundamento nituntur. Hæc quidem omnia legum censura coercenda sunt, sed maxime tertium genus, quod rei publicæ maxime exitiale est; meritoque ejusmodi instrumentorum auctores gravissima plectendi pœna, at talione quoque multandos eos, qui alias falsi crimine infamant, decernunt leges.

IV.



IV. Ex his omnibus, sive falsis, sive interpolatis, nullum tanta arte effingi, vel refungi C A P . IV.
posse puto, cuius falsitas vel interpolatio à perito antiquario detegi non possit. Ea est enim
veritas, ut luceat per se se; totque circumstantiis munitur, ut mendacio & falso, quan-
tumvis belle fucato, semper aliqua desit. Fuit ante annos centum & viginti vir quidam
litteratus, qui eloquentiae suae ac publicae fidei facturus periculum, amissum Cicero-
nis librum, quo insignis ille orator se ipse de Tulliae filiae morte consolatus est, resti-
tuere tentavit, & se in veteri codice invenisse jactavit, cumque ipsius Ciceronis nomine
typis Gryphianis in lucem emittere curavit. Hujus rei causa varia illius libri fragmen-
ta, quæ apud veteres dissipata erant, recollecti, eaque tam belle simul contexuit, ut
suppositius liber Ciceronem ipsum nonnullis referre videretur. Fraudem nihilo mi-
nus statim detexerunt viri Ciceroniani, in primis Justus Lipsius, qui nihil, præter
nomen Ciceronis, in illo libello se deprehendisse palam testatus est in epistola ad
Christophorum Plantinum. Spurii tamen libelli defensionem Carolus Sagonius, tam-
quam proprii fetus, dupli oratione suscepit hortatu Antonii Vianelli Veneti, qui
illius libelli parens creditus est. Verum Sagonii auctoritas ejus fucum non sic abstersit,
ut amœniorum litterarum magistri eum pro adulterino fetu non habuerint. Adeo
verum est, nullum esse tam belle fucatum & compositum mendacium, quod non ali-
qua sui parte artem ac dolum prodat.

His opponi potest diploma Lindaviense, Ludovico Pio adscriptum, quod ita perite
effictum dicitur, ut & scripturæ forma, & Ludovici monogramma & effigies sigillo
impressa, genuina ipsius imperatoris diplomata perfecte repræsentent. Verum, ut
certum de hoc diplomate judicium ferri posset, necesse esset ipsum diploma coram
inspicere, aut certe integrum exhiberi. Ejus quidem specimen in æs incisum protulit
Conringius, sed dimidiatum, quod nec perfecte Ludovicianæ scripturæ formam refert.
Deinde saltem suppositio probari potest, cum ex diplomatis contextu, tum ex inserto
nomine Rabani archiepiscopi, cuius rogatu diploma istud impetratum dicitur: qui
Rabanus nonnisi post annos à morte Ludovici septem ad sedem Moguntinam pro-
motus fuit. quod unum sufficit ad demonstrandum id quod mox dicebam, numquam
ita sibi constare mendacium & falsitatem, quin aliqua sui parte fraudem prodat.
Neque enim, ut alias dixi, ex sola scripturæ vel sigilli forma, sed ex omnium cir-
cumstantiarum complexu veritas authenticorum diplomatum dijudicanda est. Forte
Lindaviense istud diploma ex eorum numero fuerit, quæ refecta modo appellabam.
Quamquam ejus defensionem adversus Conringii censuram nuper suscepit eruditus
presbyter Soc. Jesu, Maximilianus Raslerus, libro edito Constantiæ anno M DC XCI.
cui id gratiæ acceptum referre debemus, quod Ordinis nostris causam adversus Con-
ringium tueatur, ut mox videbimus. At qualecumque sit istud Lindaviense diploma,
certum est contra Conringium, Lindaviense scilicet virginum cœnobium principatu
Ludovici Pii conditum fuisse à viro principe, nomine Adalberto; eoque in loco pri-
mitus extitisse, id est in pæninsula lacus Constantiensis, ubi stat urbs Lindavia, quæ
haud dubie cœnobia suam debet originem, suumque progressum. quod in tomo se-
cundo nostrorum Annalium demonstratum.

V. Conringii prædictam censuram multis aliis capitibus falsam esse ostenderam in
libro III. de re Diplomatica, capite tertio. qua in re multum mihi debere fatetur eru-
ditus ille Jesuita, quod communem hostem plaga non una multaverim, adeoque
magna ipsum oneris parte liberaverim. Tum ille sancti Benedicti familiam ab inusta
per Conringium confecti Lindaviensis diplomatis nota ^a vindicat; improbatque quod
attexuerit hic auctor censuræ suæ Gabriëlis Naudæi satyram, an diras, contra totum
amplissimum magni Patriarchæ cœtum, easque ipse latinitate donaverit. quod facere
boni viri non fuisse dicit. Nam vel ea labes, inquit, adulterandi nimirum Pontifi-
cum, Cæsarumque diplomata, vere adhæsit Ordini tam inclito; vel ab homine irato,
& sui præ vindictæ cupidine impote, ex toto, aut magnam partem per nefas conficta
est. Si illud; profecto lex illa caritatis, tantopere in sacris oraculis inculcata, non
faciendi alteri, quod tibi fieri nolis, vulgari & propalari arcum non sinebat; tanto-
que minus sinebat, quod res non unum aliquem hominem, sed cœtum numero am-

^a Defensio dī-
plom. Lindav.
c. i. n. 8.

Diplom. Supplm.

E

